

*Hoc ius porrectum, et illi authenticæ qui iam res dictas, juri dicenti, prælatum conditionem ecclesiæ suæ meliorari posse facere, deteriorem verò non posse. Et ne possit obiici, quod conditio nostra, et dicti Monasterii nostri, necnon dicti castri nostri de Chaysseu, et locorum prædictorum sit ex his in aliquo peiorata, cum in veritate exinde satis melior sit effecta; omnibus statutis, et regulis monasticis factis et faciendis, indulgentiis, gratiis, et privilegiis impetratis et impetrandis, et ultra concessis et concedendis universis, et omni actioni et exceptioni, læsioni, deceptioni, gravamini, circumventioni, et juri canonico et civili, scripto, et non scripto, et consuetudinario, promulgato et promulga [ndo] (1) quæ vel quod nobis et successoribus nostris ad veniendum contra dictam libertatem et franchisesiam, vel aliquod de prædictis posset competere modo aliquo, vel prodesse, et dictis hominibus nostris in aliquo obesse, et juri dicenti generalem renunciationem non valere. In quorum omnium et ne super his possent in posterum aliqua dubietas suboriri præsentibus his Nos dicti Electus et Conventus, sigilla nostra duximus apponenda Datum anno Domini millesimo trecentesimo septuagesimo secundo, mense Maii Nos dictus officialis quod vidimus testamur, et in huiusmodi nostræ visionis testimonium facta prius per notarios infra scriptos diligenti collatione de verbo ad verbum ad originale, sigillum nostrum præsentibus literis duximus apponendum. Datum quoad visionem nostram et dictorum notariorum collationem Lugduni in curia nostra; facta est collatio per me Symonem de Morollis (sic) unà cum Mathæo Bolla, clerico et jurato. Ita est per de Moraliis. Et per me dictum Mathæum Bolla (sic) clericum auctoritate Imperiali et curiæ domini Officialis Lugduni juratus una cum præfato Symone de Moraliis (sic) M. Bolla in cuius visionis testimonium, facta prius diligenti collatione de præsentibus literis contrasigillum Curie nostræ in absentia magni ordinatum duximus apponendum. Datum quoad huiusmodi vidimus die prima mensis Maii anno domini millesimo trecentesimo octuagesimo nono hoc testimonium. Datum ut supra. Collatio facta est de literis originalibus prædictis ad hoc præsens transcriptum per me Petrum Turelli clericum notarium regium et Curie dicti domini Ballivi juratum teste signo meo Turelli.*

---

(1) J'ai rétabli ce mot tronqué par le copiste, d'après la charte de Châtillon, qui renferme la même formule.